



UAN

BT620

M36

c.1

DAD AUTÓNOMA DE NUEV
CIÓN GENERAL DE BIBLIOTEC

Gregory


BT620

M36

C.1



1080024431



UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

MANUALE

AD USUM SACERDOTUM

qui facultate benedicendi Scapulare coeruleum

IN HONOREM

B. MARIAE V. IMMACULATAE

A. P. PRAEPOSITO GENERALI CC. RR.

DONATI SUNT

Accedunt ejusdem Scapularis brevis historia

et quaedam documenta

ad confraternitatem Imm. Concept. spectantia

ET INDULGENTIARUM ADNEXARUM

CATALOGUS



ROMAE

EX TYPIS PAULI VESPASIANI

Via del Governo Vecchio, 32-33

1903

México, 29 de Mayo de 1907.

Este documento es auténtico y puede hacerse uso de la gracia en el contenido, según las condiciones que se expresan en el decreto del Sr. D. D. Arzobispo. Po. Cay fe.

Gerardo Herrera

[Signature]



FONDO EMETERIO
VALVERDE Y TELLEZ

106513

D. FRANCISCUS DE PAULA RAGONESI
CONGREGATIONIS CLERICORUM REGULARIUM
PRAEPOSITUS GENERALIS

Dilecto Nobis in Christo

Reverendo Dominico

Emeterio Valverde y Tellez
Sr. Canonico in Diocesi
Mexicana.

I. Quum nostrae Congregationis ratio eo spectet potissimum ut DEI O. M. Beataeque Virginis MARIAE sine labe conceptae, ejusdem Congregationis patronae praecipuae, cultus apud Christifideles omnes ubique terrarum innotescat, ac magis magisque adaugeatur, et quum Apostolicae Sedis gratia nobis potestas facta sit parvis coerulei coloris scapularibus in honorem Deiparae Immaculae rite benedicendi, atque ea Christifidelibus imponendi, itemque eandem facultatem aliis Sacerdotibus communicandi; hinc Nos ad Dei Omnipotentis gloriam, et ad Virginis Matris sine labe conceptae observan-

México, 29 de Mayo de 1907.

Este documento es auténtico y puede hacerse uso de la gracia en el contenido, según las condiciones que se expresan en el decreto del Sr. D. D. Arzobispo. Po. Cay fe.

Gerardo Herrera

[Signature]



FONDO EMETERIO
VALVERDE Y TELLEZ

106513

D. FRANCISCUS DE PAULA RAGONESI
CONGREGATIONIS CLERICORUM REGULARIUM
PRAEPOSITUS GENERALIS

Dilecto Nobis in Christo

Reverendo Dominico

Emeterio Valverde y Tellez
Sr. Canónico en Diócesis
Mexicana.

I. Quum nostrae Congregationis ratio eo spectet potissimum ut DEI O. M. Beataeque Virginis MARIAE sine labe conceptae, ejusdem Congregationis patronae praecipuae, cultus apud Christifideles omnes ubique terrarum innotescat, ac magis magisque adaugeatur, et quum Apostolicae Sedis gratia nobis potestas facta sit parvis coerulei coloris scapularibus in honorem Deiparae Immaculae rite benedicendi, atque ea Christifidelibus imponendi, itemque eandem facultatem aliis Sacerdotibus communicandi; hinc Nos ad Dei Omnipotentis gloriam, et ad Virginis Matris sine labe conceptae observan-

tiam in dies propagandam augendamque, et ad uberius animarum emolumentum Tuis precibus lubenti animo annuimus, Tibique per has literas manu nostra subscriptas, et nostrae Congregationis signo munitas (*iis tantum in locis in quibus nostrae Congregationis domus non existant*) praedictis parvis scapularibus, juxta propositas regulas, benedicendi (*) cum adnexis indulgentiis, eaque Christifidelibus imponendi, eisque plenariam indulgentiam in mortis articulo (*) impertiendi facultatem in Domino concedimus. (*)

II Insuper, auctoritate a SS.mo D. N. Leone PP. XIII. per Breve diei 20 Aprilis 1894 Nobis ac Successoribus nostris perpetuo tributa, Tibi perlaudabili zelo in Deiparam flagranti, potestatem facimus parvas coronas precatorias ab Immaculata Conceptione benedicendi (*) easdemque

(1) Pro ritu benedicendi vid. pag. 7.

(2) Pro formula impert. hujusmodi. Indulgent. vid. pag. 9.

(3) Quoties potestas benedicendi et imponendi coeruleum scapulare sacerdoti aliquo munere fungenti (nempe Episcopo, Parocho, Rectori, Confessario etc.) per verbum pro-tempore concedenda fuerit, intelligatur facta ad annos decem.

(4) Pro hujusmodi benedictione nulla adhibetur formula, sed sacerdos facultate donatus super Coronas signum crucis tantum describit.

indulgentias comunicandi, quas Christifideles lucrifaciunt, qui preces descriptas in hoc libello recitare solent. (*)

Datum Romae ex nostris aedibus Sancti Andreae Apostoli De Valle die *12 Junii 1905*

Vigore praesentium conceditur Oratori facultas delegandi alium Sacerdotem, tum ut sibi Sacrum scapulare imponat, tum ut Cristifidelibus, sacro jam scapulari indutis, indulgentiam plenariam (cum in articulo mortis constituti fuerint) impertiat.

F. Ragonei Praep. Gen. lris



F. Ragonei Praep. Gen. lris
Expensae L. 2.

(1) Vid. pag. 30 Utentes autem his parvis coronulis indulgentias supradictas lucrifaciunt per simplicem recitationem duodecim salutationum angelicarum, trium Patrum, et trium Gloria,

MONITUM

PRO DUABUS CAPPELLANIIS ERIGENDIS

Incepta est collecta pro duabus cappellaniis perpetuis. Quilibet ergo adscriptus ad habitum coeruleum qui semel donaverit eleemosynam unius libellae pro earum fundatione (1), particeps fiet fructus duarum Missarum, quae quotidie celebrantur ad altare privilegiatum Archisodalitatis in Ecclesia S. Andreae de Valle, altera pro vivis et altera pro defunctis.

(1) Mittenda est charta summaria cartolina *baglia* (seu *un mandat sur la poste*) ad Patrem Generalem Theatinorum apud S. Andream de Valle, Romae.

RITUS benedicendi et imponendi Scapulare coeruleum in honorem CONCEPTIONIS BEATAE MARIAE VIRGINIS IMMACULATAE, quod a Clericis Regularibus, Theatinis nuncupatis, ex speciali privilegio CLEMENTIS PAPAE X distribuitur, a CLEMENTE XI approbatus anno 1710.

Qui suscepturus est Scapulare gensclectat, et Sacerdos superpelliceo et stola alba indutus, capite detecto, dicat absolute:

Y. Adjutorium nostrum in Nomine Domini.

R. Qui fecit coelum et terram.

Y. Dominus vobiscum.

R. Et cum spiritu tuo.

OREMUS. Domine JESU CHRISTE, qui tegimen nostrae mortalitatis induere dignatus es, tuae largitatis clementiam humiliter imploramus, ut hoc genus vestimenti, quod in honorem et memoriam CONCEPTIONIS BEATAE MARIAE VIRGINIS IMMACULATAE nec non ut illo induti exorent, in hominum pravorum morum reformationem institutum fuit, bene dicere digneris, ut hic famulus tuus, qui eo usus fuerit, (vel haec famula tua, quae eo usa fuerit) (1), eadem Beata Maria Virgine intercedente, te quoque induere mereatur (2). Qui vivis et regnas in saecula saeculorum. Amen.

Postea Sacerdos nihil dicens aspergit scapulare (vel Scapularia) aqua benedicta: deinde illud imponit dicens:

Accipe Frater (vel Soror), Scapulare CONCEPTIONIS BEATAE MARIAE VIRGINIS IMMACULATAE, ut, ea intercedente, veterem hominem exutas (vel exuta), et ab omni pec-

(1) Si plures suscepturi sint dicatur: hi famuli tui, qui eo usi fuerint (vel) hae famulae tuae, quae eo usae, fuerint.

(2) Vel: mereantur.

catorum inquinamento mundatus (*vel* mundata), ipsum perferas sine macula et ad vitam pervenias sempiternam. Per Christum Dominum nostrum. Amen.

Si plures sint, dicat in principio super omnes: Accipite fratres (vel sorores) etc. in numero plurali.

Postea subjungit: Et ego, ex facultate mihi concessa, recipio te (vel vos) ad participationem bonorum omnium spiritualium, quae in Clericorum Regularium Congregatione, ex gratia Dei, fiunt, et quae per Sanctae Sedis Apostolicae privilegium concessa sunt.

In nomine Patris P , et Filii F , et Spiritus Sancti S . Amen.

Dicat trina vice, flexis genibus, Orationem sequentem vulgari sermone una cum adscriptis:

Laudes ac gratiae sint omni momento Sanctissimo ac divinissimo Sacramento (1).

Benedicta sit Sancta et Immaculata Conceptio Beatæ Virginis Mariæ Matris Dei (2).

N. B. Hortetur fideles ut haec elogia saepe saepius repetant.

Nomina Christifidelium, qui S. Scapulare receperunt, inscribantur in parvo Regesto authentico, nuper edito, quod, cum ad numerum 500 pervenerit, remittendum est ad P. Generalem Theatinorum Romae, ut in Archivio Sodalitatis Primariae, pro validitate inscriptionum, asservetur.

(1) Indulg. 100 dier. Decr. Pii VII 30 jun. 1818.

(2) Indulgen. 300 dier. Brev. Leonis XIII 10. Sept. 1873.

FORMULA

Ad impertiendam indulgentiam plenariam in articulo mortis christifidelibus coeruleum scapulare gestantibus a sacerdote, qui facultatem habeat benedicendi et imponendi Scapularia coerulea, uti concessit SS. D. N. Leo PP. XIII, litteris in forma Brevis dati 7 Julii 1882.

V . Adjutorium nostrum in nomine Domini. R . Qui fecit coelum et terram.

Ant. Ne reminiscaris, Domine, delicta famuli tui, neque vindictam sumas de peccatis eius.

Kyrie eleison. Christe eleison. Kyrie eleison.

Pater noster: *secreto*.

V . Et ne nos inducas in tentationem. R . Sed libera nos a malo. V . Salvum fac servum tuum. R . Deus meus, sperantem in te.

V . Domine, exaudi orationem meam. R . Et clamor meus ad te veniat. V . Dominus vobiscum. R . Et cum spiritu tuo.

Oremus.

Clementissime Deus, Pater misericordiarum, et Deus totius consolationis, qui neminem vis perire in te credentem atque sperantem, secundum multitudinem miserationum tuarum respice propitius famulum tuum N., quem tibi vera fides et spes christiana commendant: visita eum, in salutari tuo, et per Unigeniti tui passionem et mortem omnium ei delictorum suorum remissionem, et veniam clementer indulge, ut eius anima in hora exitus sui te indicem propitiatum inveniat, et in sanguine eiusdem Filii tui ab omni macula abluta, transire ad vitam mereatur perpetuam. Per eundem Christum Dnum nostrum. Amen.

Tunc, dicto ab uno clericis adstantibus: Confiteor, Sacerdos dicat: Misereatur ac deinde:

Dominus noster Jesus Christus Filius Dei vivi, qui beato Petro Apostolo suo dedit potestatem ligandi atque solvendi, per suam piissimam misericordiam recipiat confessionem tuam, et restituat tibi stolam primam, quam in baptismo recepisti: et ego, facultate mihi ab apostolica sede tributa, indulgentiam plenariam et remissionem omnium peccatorum tibi concedo, in nomine Patris, P et Filii, F et Spiritus Sancti, Amen.

Per sacrosanta humanae reparationis mysteria remittat tibi omnipotens Deus omnes praesentis et futurae vitae poenas, paradisi portas aperiat, et ad gaudia sempiterna perducatur. Amen.

Benedicat te omnipotens Deus Pater, P et Filius, F et Spiritus Sanctus, Amen.

Si vero infirmus sit mortis proximus, ut neque confessionis generalis, neque precum tempus suppetat, statim ei indulgentiam impertiatur dicens: Dominus noster, etc.

Et si mors proxime urgeat dicat:

Indulgentiam plenariam et remissionem omnium peccatorum tibi concedo, in nomine Patris, P et Filii, F et Spiritus Sancti, Amen.

SCHEDULA

PRO

JEJUNIO PERPETUO IN HONOREM IMM. CONCEPT B. M. VIRGINIS

Beatae memoriae GREGORIUS PAPA XVI plenariam Indulgentiam et omnium peccatorum remissionem in Domino concessit utriusque sexus Cristifidelibus, qui semel in anno statuta die in honorem Immaculatae Conceptionis Sanctissimae Virginis Mariae jejunaverint, ac sacramentaliter confessi et rite culpis expiati ad sacram synaxim accesserint, ecclesiam Clericorum Regularium, vel aliam, ni adsit, in qua altare ejusdem purissimae Virginis extet, pie visitaverint, ibique aliquandiu juxta mentem Summi Pontificis oraverint. Quare hic schedula adjungitur, quae Romae a Clericis Regularibus distribuitur, ut sacerdoti scapularibus benedicendi facultatem habenti prae oculis sit archetypus, quo facilius piissimam hanc praxim apud omnes propagare valeat.

SCHEDULA jejunii perpetui ab immemorabili tempore in varia Orbis terrarum loca a Clericis Regularibus invecit in honorem Immaculatae Conceptionis Sanctissimae Virginis Dei Genitricis Mariae.

N. N.

jejunium statuit servare die

dummodo dies dominica, aut festa non sit, quo in casu in crastinam, vel commodiorem quo citius fieri poterit, rejiciatur. Id etiam si infirmitatis, sive legitimi cujusvis impedimenti causa obtineat.

Si quis autem post sodalis obitum hanc inveniat schedulam, eam ad Clericos Regulares deferat, vel curet, ut alter onus idem suscipiat.

BREVIS HISTORIA

SACRI COERULEI SCAPULARIS CUI CLERICI REGULARES BENEDICTIONEM IMPERTIUNT

Praeclarum ac plane singulare studium, quo benemorati Christifideles sacrum Beatissimae Virginis Deiparae scapulare induere flagrant in expressum erga ipsam grati animi obsequii et pietatis testimonium, eidem semper mirum in modum acceptissimum fuisse, explorata atque evidens res est. Id enim factorum claritate, historiae monumentis, apostolicis literis, et pia fidelium fere omnium consensione satis superque comprobatur. Jam vero inter tot ac tanta isthaec religionis et virtutis opera, quaeque innumeris propemodum indulgentiis ditantur, illud certe quidem extremo habendum loco minime est, immo vel maxime elucet, sacrum nempe scapulare gestandi, quod in honorem Virginis sine labe conceptae, a sacerdotibus ad id facultatem habentibus benedictum, fidelibus imponitur.

Hunc coerulei scapularis usum instituit primo ac mirifice propagavit venerabilis Dei famula Ursula Benincasa, Oblatarum et Eremitarum a Congregatione Theatina fundatrix, cujus quidem sanctimonia, quamplurimis, iisque acerbissimis, purificata experimentis, ab sancto Philippo Nerio meritis laudibus exornata est, et cujus admirabiles virtutes heroico gradu peractas immortalis memoriae Pius Papa VI, decreto diei 7 Augusti anni 1793, apertissime declaravit. Haec autem sanctimonialis, ardentissima Dei caritate, ejusque gloria, hominumque salute vehementer incensa, frequentissimis rapiebatur extasibus. Quo factum est, ut die Purificationis Beatissimae Virginis festo, visu contemplari promerita sit Deiparam ipsam albo contextam indumento, coeruleo altero superposito, unigenitum

infantem ulnis amplectentem, et virginum choro eadem vestimentorum forma indutarum comitatam, quae Ursulam hisce verae, amantissimaeque matris verbis affata est: *Eja age, Ursula, ut flere desinas tandem, et suspiria cum purissimo cordis gaudio commutes, quae meus tuusque Jesus, quem gremio compleor, dicturus est, attentissime audias.* Haec dulcissima Deiparae dicta divinus subsecutus est Filius, eique aperuit: sacram eremum extruendam esse, in qua eremitarum more sub Immaculatae Conceptionis Mariae titulo tres et triginta degerent virgines, eaque forma et colore induerent habitum, quo tunc ipsam Deiparam uti admirabatur, praeclaras gratias, ac spiritualia bona quamplurima se daturum spondens hoc vitae genus impense ineuntibus, eaque omnia sedulo implentibus, quae in eremo sibi deinceps praescriberentur. At venerabilis Ursula non hoc tantum, sed illud etiam precata est, ut eadem ferme beneficia iis etiam largiretur Deus, qui in saeculo morantes Virgini Matri obsequia sincero ac fidei animo profitentes, et caste, juxta cujusque status obligationes, vitam obeuntes parvum coerulei coloris scapulare gestarent. Atque ut interea se voti compotem intelligeret, adhuc extasi suavissima perdurante, nonnullos intuita est angelos, qui scapularia haec ingenti quidem numero et copia super terram huc illuc diffundentes advolitabant.

Itaque sanctimonialis virgo suis ipsa manibus parva coepit scapularia efformare, eaque Cristifidelibus distribuere, quae a pio quodam sacerdote benedicta magna sane reverentia et obsequio ferebantur. Quo vere magis in dies augebatur pietas non modo, verum etiam pietatis fructus, eoque vel maximo spirituali gaudio, atque intima cordis laetitia replebatur uberrime, simulque ante obitum suum digna omnino habita est,

quae cultum hunc universe receptum, ac plane constitutum videre posset.

Meliorem praeterea adepta vitam venerabili sanctimoniali, in eo totae fuerunt superstites filiae, ut, se ipsas aemulantes, matrem imitari studuerint in horum scapularium diffusionem, adeo ut laudabilis ejusmodi usus generalis communisque in ampla Urbe Neapoli haberetur; quamobrem Clerici Regulares, qui eremum a Sorore Ursula poshac nuncupatam moderantur, cum a Sede Apostolica Constitutionum ac Regularum Congregationis illius approbationem nacti sint, ab eadem Apostolica Sede ad id muneris vocati fuere, sacris nimirum scapularibus benedicendi, eaque distribuendi prout sanctimoniales Venerabilis Ursulae antea peragere consueverant.

Hoc clarissime elucet ex literis apostolicis in forma Brevis, fel. rec. Clementis Papae X, quae ita habentur: *Praeterea praedictis Clericis Regularibus, Theatinis nuncupatis scapularia parva coerulei coloris hujusmodi benedicendi, illaque Cristifidelibus, sicut praemittitur, distribuendi licentiam et facultatem tenore praesentium tribuimus et impertimur.* Monendum itaque est, tum Cristifideles spiritualibus gratiis, indulgentiis ac privilegiis sacro scapulari adnexis fruturos, cum benedictum impositumque sit a quocumque Congregationis Theatinae sacerdote, vel a quovis cleri saecularis aut regularis presbytero, cui ab ejusdem Congregationis Generali Praeposito facultas et potestas facta fuerit, uti videre est in apostolicis literis in forma brevis, eidem datis die XIX Septembris an. 1851 a fel. rec. Pio Papa IX, quae sic se habent: *Itaque... tenore praesentium literarum Praeposito Generali Clericorum Regularium, Congregationis Theatinorum nuncupatorum, nunc et pro tempore exi-*

stenti facultatem facimus, cujus vi quemlibet sacerdotem saecularem vel regularem delegare valeat ad effectum benedicendi, et distribuendi Sacra Scapularia B. M. V. a Conceptione Immaculata, prout sacerdotes dictae Congregationis benedicere ac distribuere solent.

Praecipuus autem scopus eorum, qui sacrum suscipiunt scapulare, eo spectat, ut scilicet Deum Optimum Maximum enixis exorent precibus ad hoc ut pravi reformentur mores, perversique homines ad bonam frugem tandem aliquando adducantur. Neque vero ad id peragendum appositae jubentur preces, sed vel ferventi fidelium observantiae, vel prudenti spirituum moderatoris arbitrio relinqui cautum est quodnam precum seu afflictationum genus ineant, quodque placitum sibi, divinaeque placationi obtinendae aptum magis et opportunum Beatissima Immaculata Virgo efficiendum inspiret. Atque hic pariter monendum, nulla prorsus culpa aut poena eos, qui hanc praxim omiserint, irretiri; sed hoc in casu bonis spiritualibus tantummodo destitui quae ad ea lucranda, praescriptis operibus junguntur, sacrum nempe scapulare gestandi semper, precesque Deo porrigendi justa mentem Summorum Pontificum, qui indulgentias huiusmodi elargiti sunt. Quod si quis brevem et cuique aptam methodum exquirat, parva corona utatur, scilicet quotidie angelicam salutationem duodecies in peculiarem duodecim privilegiorum Beatissimae Virginis honorem, ac ter *Pater noster*, terque *Gloria Patri* in honorem Sanctissimae Trinitatis humillime recitet, sicuti sancto Andreae Avellino moris erat, omnibusque ut id agerent, solerter suadere curabat. (1)

Praeter enunciata pietatis opera tria etiam neces-

(1) Vide pag. 50

saria sunt: 1. Animae a peccatis omnibus mundities: 2. virtutum exercitatio: 3. Perseverantia in iis erga Beatam Virginem Immaculatam operibus peramanter excolendis: ait enim Bernardus: *Perseverantia sola meretur coronam.* (1)

Scapulare Immaculatae Conceptionis panno aut sagulo (nonnisi ex lana) coerulei coloris efformetur, opus est, uti ex literis apostolicis constat, eo quia scapulare sanctimonialium eremitarum Congregationis Theatinae ita extruitur, quemadmodum venerabilis Fundatrix Ursula Benincasa instituit ac jussit. Quae panno, vel sagulo conjungi solet B. Mariae Virginis Imago, ornamenti loco habenda est, ut Cristifidelium pietas magis magisque excitetur. Scapulare autem semper super humeris gestetur oportet, ita ut anterior pars ex humeris ad pectus, posterior ad humeros descendat, quemadmodum ipsa *scapularis* vox significat. Obsoleto denique scapulari benedicto, novum, quo cuique uti necesse est, nova non indiget benedictione.

Atque hic coronodis loco addemus, sanctum Ecclesiae Doctorem, Episcopum s. Aghatae Gothorum et Congregationis Sanctissimi Redemptoris fundatorem, S. Alphonsum Mariam de Ligorio in aureo opusculo, cui titulus: *Le Glorie di Maria* (2) christifideles omnes studiosissime hortari, ut sacrum scapulare sumant atque induant, utpote Beatissimae Virgini obsequium gratissimum: ita enim ostenditur fideles ejus dulcissimo coltui mancipari, et ad inclytam Dei Genitricis familiam pertinere: *Quae*, ut inquit Sanctus Andreas Cretensis, *cum sit munificentissima, solet maxima pro minimis reddere.* (3)

(1) Epist. 122.

(2) Par. 2 obs. 6.

(3) Orat. 2. de decem. Virg.

OMNIUM INDULGENTIARUM PLENARIARUM QUAE IN CATALOGO
CONTINENTUR ABSOLUTA DEMONSTRATIO.

Cum plerique dubium fuerit visum ex ipsa rei magnitudine tantum Indulgentiarum plenariarum adesse Scapulari Coeruleo Immaculae Conceptionis, ad veritatem documentis firmandam afferenda putamus, quae ad rem in **Monitore Ecclesiastico** (auctore **Emo ac Rmo D. Cardinali Casimiro Gennari**) Vol. X, Par. 2. Anno XXIII, Fasc. 9, Romae edito, die 30 Novembris 1898, in pag. 205 leguntur, quaeque latine versa huiusmodi sunt.

§ 40.

Utrum authenticae sint concessionες quamplurium Indulgentiarum plenariarum gestantibus Scapulare Immac. Concept. B. Mariae V., et recitantibus sex Pater, Ave, et Gloria.

Praepositur. In Libro S. Alphonsi Mariae De Liguori, cui titulus « *Le Glorie di Maria* », in VI §, quum agatur de variis obsequiis devotionis, etc., ista, quae sequuntur, habemus: « Sciendum praesertim est, scapulari Immaculae Conceptionis cui benedicuntur a PP. Theatinis, praeter quamplures Indulgentias peculiare, additas esse Indulgentias omnes cuivis Religioso Ordini, pio loco, et homini olim concessas. Et praecipue, sex *Pater, Ave et Gloria* ad honorem SS. Trinitatis et Mariae Immaculae recitantes lucruntur *toties quoties* Indulgentias omnes Romae, Portiunculae, Galitiae, Jerusalem, quarum plenariarum numerus summam quingentarum et quinque ac triginta (535) contingit, praeter *temporarias*, quae innumerabiles multitudine sunt ».

Quaeritur nunc utrum iste plenariarum indulgen-

tiarum thesaurus, lucrandarum *toties quoties*, fulciatur authenticis documentis, nec ne.

Respondemus. Quoad has concessionες maxima cura scrutati sumus, si enim authenticitate gauderent, immensurabilem thesaurum efficerent: Quaerentibus autem et perscrutantibus diligentissime ista apparuerunt.

Romani Pontifices plurimas olim concessere Indulgentias, quas postea vel coegerunt impositis limitibus, vel penitus revocarunt, et has inter ultro enumerandae illae sunt, quae Scapulare Immaculae Conceptionis Mariae Sanctissimae attingunt. Decretum — *Praecipuas inter* — Clementis Papae XI, die Februarii vigesimoquarto datum, Anno 1712, et a *Ferraris* relatum (v. Indulgentia, art. IV, n. 21), examen singulare constituit circa Indulgentias, quae Scapulari Immaculae Conceptionis tradebantur annexae, easque ad exiguum deducit, reliquas ceterasque statuens abolitas fuisse, et inter prohibitos eos habendos esse libros, qui de his facerent mentionem, (cujusmodi decernitur ille, quem Theatini PP. anno Domini 1711 Veronae proelis mandarunt).

Indulgentiae autem, quae illo in Decreto Clementino authenticae tenentur eidem Scapulari annexae, reducuntur ad Plenariam die impositionis Scapularis, idem in articulo mortis, idem in festo Immaculae Conceptionis. De Plenariis huc usque. Temporariae autem habentur in singulis festis Beatae Mariae virginis singulae septem annorum ac todidem quadragenarum, praemissis Sacramentis Poenitentiae et Eucharistiae, visitatione Templi, et precibus pro summo Pontifice, lucrandae.

Patet hoc Decreto reliquas Indulgentias subrotas fuisse, quae illud Scapulare ferentibus vel concessae

vel tributae olim fuerunt, nec exceptas, quae dicuntur: *toties quoties*, recitationi *Pater, Ave et Gloria* adnexas.

Hae tamen Indulgentiae omnes authentico S. Congregationis Indulgent. Decreto diei 14 Aprilis anno 1856 dato: in *Tertii Ordinis S. Francisci*, N. 374, approbato et confirmato a S. M. Pii Papae IX rursus vixerunt. Haec autem sunt verba Decreti

« II. An sodales Scapularis Caerulei Immaculatae Conceptionis recitando sex *Pater Ave et Gloria* in honorem SS. mae Trinitatis et Deiparae Virginis Immaculatae, orando pro haeresum extirpatione, exaltatione Sanctae Matris Ecclesiae, atque Christianorum Principum pace et concordia omnes lucrificent Indulgentias septem Basilicarum Romae, Portiunculae, Jerusalem et S. Jacobi de Compostella?

R. Affirmative.

« III. An Indulgentiae, de quibus in superioribus dubiis, lucrentur toties quoties, et an in quocumque loco preces istas fuderint?

R. Affirmative iuxta votum consultoris nempe servato Decreto S. Congr. die 7 Martii 1678, approbato ab Innocentio XI, ejus initium: — *Delatae saepius*.

« IV. An ad easdem lucrandas Indulgentias recitare sufficiat sex tantum *Pater, Ave et Gloria*, ita ut necesse minime sit alias preces addere, prout in Indulgentiarum concessionibus atque rescriptis orandi per aliquod temporis spatium juxta intentionem Pontificis, seu pro haeresum extirpatione, exaltatione S. Matris Ecclesiae, atque Christianorum Principum pace et concordia etc. injungi consuetum est? R. Affirmative.

« V. An ad memoratas Indulgentias, de quibus scilicet in dub. I consequendas, necessaria sit Sacra-

« mentorum Poenitentiae et Eucharistiae susceptio?

R. Negative.

« VI. An denique hae ispa Indulgentiae omnes animabus in Purgatorio detentis applicari possint?

R. Affirmative.

Decretum diei 7 Martii 1678, cui innuitur quodque incipit verbis «*Delatae saepius*» Indulgentias Romae populas respicit, atque ita decernit.

« Indulgentias vero Stationum Urbis, quae a Romanis Pontificibus singulari quodam beneficio vel communicatae sunt, vel communicabuntur interdum aliquibus locis, Ordinibus, aut personis, diebus tantum Stationum in Missali Romano descriptis, suffragari posse declarat; semel autem dumtaxat in die plenariam indulgentiam in certos dies ecclesiam visitantibus concessam, vel aliud pium opus peragentibus lucriferi ».

Quibus documentis elucet:

a) Ferentes Conceptionis Immaculatae scapulare quum recitent sex *Pater, Ave, et Gloria* ad honorem SS. mae Trinitatis et SS. mae Virginis Immaculatae comparare sibi indulgentias omnes Septem Basilicis Urbis adnexas, itemque Portiunculae, Jerusalem, et S. Jacobi in Compostella.

b) Hujusmodi indulgentias posse *toties* comparare, *quoties* ab iisdem sex *Pater, Ave, et Gloria* recitentur. At quoad indulgentias Stationibus Urbis adnexas, tantummodo diebus Stationum in Missali Romano descriptis, una dumtaxat indulgentia plenaria quoque die comparatur.

c) Ad has Indulgentias lucrandas necessarium non esse adire SS. ma Sacramenta Poenitentiae et Eucharistiae, quum satis sit mortali culpa carere, et in eo, qui *status gratiae* dicitur, permanere.

d) Nec opus esse alias addere preces pro extirpa-

tione haeresum, pro S. Matris Ecclesiae exaltatione, pro pace et concordia Christianorum Principum, quum satis sit hos fines in mente habere dum sex Pater Ave et Gloria recitantur.

c) Praenotatas denique indulgentias ad modum suffragii pro animabus in Purgatorio detentis posse adhiberi, et applicabiles esse.

Ac ne dubium ullum labefactet authenticitatem Decretorum, de quibus est sermo, singula, quae sunt exposita authentico confirmantur Summario Indulgentiarum quae conceduntur gestantibus scapulare Immaculatae Conceptionis aut a PP. Theatinis benedictum, aut a quovis cui potestatem benedicendi Rmus Praepositus Generalis Theatinorum largiatur.

Hoc autem Summarium Gregorius Papa XVI felicitis recordationis die 12 Julii Anno 1845, intemque Pius IX sanctae memoriae Summus Pontifex, die 7 Julii Anno 1850, comprobarunt, descriptum et insertum habetur in Collectione, cui titulus « Rescripta Authentica S. C. Indulgent. », auctore R. P. Schneider Societ. Jesu, ejusdem S. C. Consultore.

Haec porro sunt ejus verba Summarii, quae in pag. 577 leguntur.

« Insuper si quis recitet sex *Pater, Ave, et Gloria* in honorem SS. Trinitatis, et B. Mariae Virginis sine labe Conceptae, orando ut dignetur Deus Sanctam Catholicam Ecclesiam triumphis quotidie augere haereseos extinguere, pacem et concordiam inter christianos principes fovere, universas sibi comparat Indulgentias septem Urbis Basilicarum, Portiunculae, Jerusalem, et S. Jacobi Compostellae. Praeterea S. Congregatio Indulgentiarum Sacrisque Reliquiis praeposita in comitiis generalibus, habitis die 31 Martii 1856, decreto suo declaravit supra-

« dictas Indulgentias septem Urbis Basilicarum, Portiunculae, Jerusalem et S. Jacobi Compostellae *toties* quoties acquiri posse, et quocumque loco preces fu-derint, servato decreto S. Congr. Indulg. die 7 Martii 1678 approbato ab Innocentio XI, quod incipit *Delatae saepius*, neque oportere alias preces addere, ac Sacramentorum Poenitentiae et Eucharistiae ac susceptionem praemittere, sed sufficere sex tantum *Pater, Ave, et Gloria* recitari, uti supra, easque applicabiles etiam esse animabus in Purgatorio degentibus. Quod quidem decretum Pius PP. IX S. M. die 14 Aprilis ejusdem anni 1856 benigne approbavit ».

Procul dubio igitur est, habentes scapulare Immaculatae Conceptionis, quoties recitent *sex Pater, Ave et Gloria*, ad eos assequendos fines, de quibus facta nuper mentio est, lucrari omnes Indulgentias (*Septem Basilicarum*) Urbis, Locorum Sanctorum in urbe Jerusalem, Portiunculae, et S. Jacobi Compostellae, exceptis illis, quae adnectuntur Stationibus singulis Urbis proprio die, et quae semel die comparantur.

Quinam autem est Numerus, et quot sunt istae Indulgentiae?

Sanctus Alphonsus plenarian usque ad 535 enumerat: temporarias innumerabiles dicit.

Nobis impossibile est, singulas enucleando, numerum ad unquem decernere, eo magis quia, deperditis titulis vetustissimis quoad Loca sancta, nulli fas est, numerum diligentissime adipisci. Hoc unum tamen in medio est, et cuique exploratum, uberrimas gratias, et magnitudine ingentes, et multitudine innumerabiles S. Sedem concessisse Indulgentias singulis Sanctissimis Locis, ad quae tot peregrinorum millia quotidie confluebant. Quid erit igitur si t

Indulgentiae in tot Loca distributae veluti congerantur in fascem, et uni scapulari Immaculatae Conceptionis imponantur atque addicantur?

Jure igitur concludimus asserentes maximum Indulgentiarum Thesaurum facillime comparandum suaser omnes et prae omnibus esse apud Scapulare Immaculatae Conceptionis adnexum recitationi sex *Pater, Ave et Gloria* ad bonum eorum, qui et hujusmodi Scapulare ferant et in ea recitatione vertentur.

NONNULLA MEMORATU DIGNA

1. Ut facilius Romam mitti possint nomina adscriptorum ad habitum coeruleum, impressa sunt authentica alba (vulgo: *registri*), in quibus sacerdotes facultatem habentes ea scribere queant. Haec alba peti possunt ad Secretariam Generalem Patrum Theatinorum (solvendo cent. 50 pro expensis), et quum impleta fuerint, iterum mitti debent Romam, Patri Generali Theatinorum ad S. Andream de Valle, in Archivio Archisodalitatis asservanda.

2. Si alicubi erigenda sit sodalitas ab Immaculata Conceptione, petatur ab Episcopo proprio decretum institutionis canonicae, tenoris sequentis:

N. N. EPISCOPUS ETC.

« Quum propter demandatum Nobis munus, ad augendam Christifidelium pietatem, ac ad spirituale eorum bonum, qui Nostris pastoralibus curis concrediti sunt, procurandum, quantum in Domino possumus, animum intendamus, praesentium literarum tenore, ad tramites Sacrorum Canonum et

« Synodali huius Nostrae Dioecesis Constitutionum, sine Episcopali et Parochiali iurium praeiudicio IN ECCLESIA SANCTI N. Civitatis N. piam sodalitatem ab Immaculata Conceptione B. M. V. Genitricis Dei canonice erigimus et instituimus. Eamque, ita erectam et institutam, Primariae Archisodalitati eiusdem Nominis Romae in Ecclesia S. Andreae Apostoli de Valle existenti aggregari permittimus ». Datum.....

Exemplar authenticum huius decreti mittatur Romam, ad Rm Patrem Generalem Theatinorum ad S. Andream de Valle. Pater Generalis tradet (praevia eleemosyna 10 libellarum pro expensis) diploma aggregationis. Vigore huius aggregationis conceditur Moderatori sodalitatis:

a) Facultas in perpetuum benedicendi scapularia et coronulas quae ab Immaculata Conceptione nuncupantur.

b) Impertiendi adscriptis Indulgentiam plenariam in articulo mortis, vel (si fuerit legitime impeditus) delegandi ad id alium sacerdotem.

c) Ius tenendi proprio commodo album adscriptorum, ac proinde cessatio obligationis mitendi nomina ad Archivium Generalem Romanum.

d) Omnibus autem sociis participatio Indulgentiarum et Privilegiorum Archisodalitatis existentis in Ecclesia S. Andreae de Valle in Urbe, quam Primariam proclamavit SS. D. N. Leo Papa XIII per Breve diei 18 Septembris 1894.

FORMULA INSCRIPTIONIS IN SODALITATE

Domin.....

accepit habitum coeruleum et adscript..... fuit Sodalitati ab Immaculata Conceptione B. V. Mariae Matris Dei cum participatione indulgentiarum et gratiarum spiritualium, quas concesserunt Summi Pontifices Gregorius XVI, Pius IX, et novissime Ss. D. N. Leo PP. XIII (Brevibus 6 Julii et 18 Septembris 1894) Archisodalitati Primariae esistenti ad S. Andreae de Valle PP. Theatinorum Romae.

..... die

Moderator.....

DOCUMENTA

QUAE AD CONFRATERNITATEM B. M. V. IMMACULATAE
REFERUNTUR

Lucidus Maria, Miseratione Divina Episcopus Albaniensis, S. R. E. Cardinalis Parocchi, SSmi Dni Nri Papae Vicarius Generalis, Romanae Curiae eiusque Districtus Iudex Ordinarius.

Confraternitatem Immaculatae Conceptionis Beatissimae Mariae Virginis, Matris Dei, Nos potestate nostra ordinaria erigimus in Ecclesia S. Andreae de Valle PP. Theatinorum et canonice erectam esse pronuntiamus, ejusque Constitutionem septem infrascriptis articulis consignatam adprobamus.

STATUTA

- I. — Sequens Confraternitati Nomen esto: = Confraternitas Immaculatae Conceptionis B. M. Virginis, Matris Dei, in Ecclesia S. Andreae de Valle PP. Theatinorum; Romae. =
- II. — Confraternitati propositum praescriptumque est, quasi scopus, Immaculatae Conceptionis et Divinae Maternitatis in B. M. V. privilegium honorare.
- III. — Utriusque sexus Cristifideles in Confraternitatis numero habentur.
- IV. — Aggregantur autem Benedictione et impositione Scapularis coerulei, Traditione (si *commode fieri potest*) parvae coronulae, cui ab Immaculata Conceptione nomen est, demum Inscriptione nominis in Albo Confraternitatis.
- V. — Confratres et Consorores ad Ecclesiam S. Andreae de Valle accedant, Divinis Mysteriis

Sacrisque Solemnibus adstantes, quae duodecim praecedentibus Sabbatis, itemque die Festo Immaculae Conceptionis, nempe die 8 Decembris a primis ad secundas Vesperas, celebrantur.

VI. — In eadem Ecclesia pariter sint tum tribus Sabbatis praecedentibus, tum die Festo B. M. V. ab Angelo Annuntiatae, nempe 25^a die Mensis Martii.

VII. — Spiritualis Directio tota est in R. mo P. Generali (pro tempore), sive in alio R. mo P. Theatino, cui R. mus P. Generalis munus fungendum, quoad ipse voluerit, tradiderit.

Datum Romae ex aed. Vicariatus die 21 Maji 1894.

L. S. L. M. CARD. VICARIUS.

PETRUS CAN. CHECCHI, *Secret.*

LEO PAPA XIII.

AD PERPETUAM REI MEMORIAM.

Quum sicuti accepimus in Nostrae Almae huius Urbis Ecclesia S. Andreae Apostoli, vulgo « della Valle » nuncupata, quae ad Clericos Regulares Congregationis Theatinorum pertinet, pia quaedam ac devota Christifidelium Confraternitas sub titulo Immaculae Deiparae Virginis Conceptionis canonice erecta existat cuius sodales quamplurima pietatis et charitatis opera exercere consueverint seu intendant; Nos, quo huiusmodi Consociatio maiora in dies suscipiat incrementa, de Omnipotentis Dei misericordia ac BB. Petri, et Pauli, Apostolorum Eius, Auctoritate confisi, omnibus praedictae Confraternitatis sodalibus, qui eandem Sodalitatem in posterum ingre-

dientur, die primo eorum ingressus, vel uno ex septem diebus continuis immediate sequentibus ad eorum arbitrium eligendo, si vere poenitentes et confessi SS. mum Eucharistiae Sacramentum sumpserint, **Plenariam**; ac tam descriptis, quam pro tempore in dicta Confraternitate describendis sodalibus, qui vere poenitentes et confessi ac S. Communionem refecti praefatam Ecclesiam S. Andreae quolibet e duobus sabbatis festivitatem Immaculae Deiparae Virginis Conceptionis praecedentibus, nec non festivitatem Conceptionis, Nativitatis, Annuntiationis, Purificationis et Assumptionis B. Mariae Virginis Immaculae vel uno quo cuique libeat e septem diebus continuis immediate respective subsequentibus singulis annis devote visitaverint, ibique pro Christianorum Principum concordia, haeresum extirpatione, peccatorum conversione, ac S. Matris Ecclesiae exaltatione pias ad Deum preces effuderint, quo die praefatorum id egerint, **plenariam** similiter omnium peccatorum suorum **indulgentiam** et remissionem misericorditer in Domino concedimus. Praeterea iisdem memoratae Confraternitatis sodalibus, qui corde saltem contriti quocumque **trium sabbatorum** festivitatem B. M. V. Annuntiationis praecedentium, vel dies festos **Praesentationis ac Visitationis** eiusdem Deiparae Virginis supradictam Ecclesiam visitaverint, atque, ut praefertur, oraverint, **septem annos totidemque quadragenas** de iniunctis eis, seu alias quomodolibet debitis poenitentiis in forma Ecclesiae consueta relaxamus. Quas omnes et singulas indulgentias, peccatorum remissiones ac poenitentiarum relaxationes etiam animabus Christifidelium, quae Deo in charitate coniunctae ab hac luce migraverint, per modum suffragii applicari posse indulgemus. In contrarium facientibus non

obstantibus quibuscumque. Praesentibus in perpetuum valituris. Datum Romae apud S. Petrum sub Annulo Piscatoris, die vi Julii MDCCCXCIV. Pontificatus Nostri. Anno Decimoseptimo.

Pro Domino CARD. DE RUGGIERO

NICOLAUS MARINI, *Sub.*

LEO PAPA XIII.

AD PERPETUAM REI MEMORIAM

Cum nihil antiquius sit Nobis quam ut Deiparae Virginis cultus et honor magis magisque in dies augeatur, ita propenso accepimus animo piam Sodalitatem ab **Immaculata Conceptione B. M. V. Genitricis Dei** iam in Ecclesia S. Andreae, vulgo « della Valle », huius Almae Urbis Nostrae canonice erectam, et per Nos compluribus indulgentiis ditatam, adeo crevisse, ut aliae huiusmodi Consociationes desiderium ubique ostenderint, se ad illam aggregandi. Quae cum ; ta sint, votis precibusque dilecti filii Francisci de Paula Ragonesi Praepositi Generalis Clericorum Regularium Theatinorum nuncup. annuentes, praedictum Sodalitium honoribus ac privilegiis in uberius animarum bonum exornandum censuimus. Quare omnes et singulos, quibus Nostrae hae litterae favent, a quibusvis excommunicationis et interdicti aliisque ecclesiasticis sententiis, censuris et poenis quovis modo vel quavis de causa latis, si quas forte incurrerint, huius tantum rei gratia absolventes et absolutos fore censentes, Auctoritate Nostra Apostolica memoratam Sodalitatem, in Ecclesia S. Andreae « della Valle » Nostrae huius Almae Urbis existentem, in Archisodalitatem cum solitis privilegiis perpetuam in modum eri-

gimus atque instituimus. Archisodalitatis autem sic erectae officialibus et sodalibus praesentibus ac futuris, ut ipsi alias quascumque Sodalitates eiusdem nominis atque instituti ubique terrarum existentes, servatis tamen forma Constitutionis Clementis PP. VIII Praedecessoris Nostri, aliisque Apostolicis Ordinationibus desuper editis, aggregare, illisque omnes et singulas indulgentias, peccatorum remissiones, ac poenitentiarum relaxationes, ceterasque spirituales gratias ipsi sodalitati, ita in Archisodalitatem a Nobis erectae a S. sede Apostolica concessas et aliis communicabiles, communicare licite possint ac valeant, eadem auctoritate Nostra harum litterarum vi perpetuo item concedimus ac largimur. Decernentes has Nostras litteras firmas, validas et efficaces existere et fore, suosque plenarios et integros effectus sortiri et obtinere, illisque, ad quos spectat et spectare poterit in omnibus et per omnia plenissime suffragari, sique in praemissis per quoscumque iudices ordinarios et delegatos iudicari et definiri, debere, atque irritum et inane si secus super his a quoquam quavis auctoritate scienter vel ignoranter contigerit attentari. Non obstantibus Constitutionibus et Ordinationibus Apostolicis, et quatenus opus sit praefatae Confraternitatis etiam iuramento, confirmatione Apostolica, vel quavis firmitate alia roboratis statutis et consuetudinibus, ceterisque contrariis quibuscumque. Datum Romae apud S. Petrum sub Annulo Piscatoris, die xviii Septembris MDCCCXCIV Pontificatus Nostri Anno Decimoseptimo.

C. Card. DE RUGGIERO.

Precationes infrascriptas S. Andreas Avellinus composuit, qui earundem recitationem commendans sic adloquebatur: » scio hominem (erat et ipse) qui, « dum eas recitaret, videbat ab Angelo singulas « salutationes Virgini Beatissimae offerri quae de « huiusmodi obsequio summopere oblectabatur. Et « adiecebat « certus sis, frater, te per has preces « facilius gratias omnes impetraturum, et magnum « ab eadem Beatissima Vergine in hora exitus tui « auxilium promereri. »

PIUS PAPA IX, fel. rec. per Breve diei 26 junii 1860 concessit omnibus et singulis utriusque sexus Cristifidelibus quotidie has preces quocumque idiomate, corde saltem contrito, devote recitantibus, indulgentiam trecentorum dierum, et plenariam, si eas quotidie integro mense devote recitaverint, dummodo (uno dieti mensis die uniuscujusque Christifidelis arbitrio sibi eligendo) vere poenitentes et confessi, ac S. Comunione refecti aliquam Ecclesiam vel aliquod Oratorium visitaverint, et ibi pro christianorum principum concordia, haeresum extirpatione, ac S. Matris Ecclesiae exaltatione pias ad Deum preces effuderint: quae indulgentiae applicari etiam possunt animabus in purgatorio degentibus.

PRECATIONES

*IN HONOREM DUODECIM PRIVILEGIORUM BMAE V. MARIAE
A S. ANDREA AVELLINO C. R. EXARATAE*

In nomine Patris et Filii et Spiritus Sancti. Amen.

Ÿ. Deus in adjutorium meum intende.

R. Domine ad adjuvandum me festina.

Gloria Patri. Sicut erat.

1. Te salutamus, purissima ac sanctissima Mater

Jesu, teque humiliter deprecamur per tuam Praedestinationem, qua Mater Dei electa es ab aeterno; per tuam Immaculatam Conceptionem, qua maculae originalis peccati immunis fuisti; per tuam plenissimam animi demissionem, qua te perpetuo ad Dei voluntatem informasti; per tuam denique perfectissimam sanctitatem, qua toto vitae curriculo nunquam mendam ullam admisisti, ut pro nobis apud Deum patrona fias, quo peccatorum nostrorum multitudinem deleat, quae irae divinae causa extitere. Tuque, Pater omnipotens, per istorum privilegiorum merita, dilectissimae Filiae tuae preces exaudi, nobisque clientibus ejus elementer ignosce. Parce Domine, parce populo tuo.

1 Pater, 4 Ave, 1 Gloria.

Ÿ. Per Sanctam Immaculatam Conceptionem tuam, libera nos, Gloriosa Virgo Maria.

2. Te salutamus, purissima ac sanctissima Mater Jesu, teque humiliter deprecamur per tuam sanctissimam Annuntiationem, qua in sinu tuo Verbum Divinum concepisti; per tuum felicissimum Partum, in quo nullum dolorem passa es, per tuam perpetuam Virginitatem, quam Matris foecunditati junxisti; per acerbum denique Martyrium tuum in morte Redemptoris nostri, ut fias conciliatrix, quo pretiosi Sanguinis Filii tui fructum experiamur. Tuque, Dei Fili, per istorum privilegiorum merita dilectissimae Matris tuae preces exaudi, nobisque clientibus ejus elementer ignosce. Parce Domine, parce populo tuo.

1 Pater, 4 Ave, 1 Gloria.

Ÿ. Per Sanctam Immaculatam Conceptionem tuam, libera nos, Gloriosa Virgo Maria.

3. Te salutamus, purissima ac Sanctissima Mater Jesu, teque humiliter deprecamur per Gaudia cordis tui in Resurrectione et Ascensione Jesu Christi; per

Precationes infrascriptas S. Andreas Avellinus composuit, qui earundem recitationem commendans sic adloquebatur: » scio hominem (erat et ipse) qui, « dum eas recitaret, videbat ab Angelo singulas « salutationes Virgini Beatissimae offerri quae de « huiusmodi obsequio summopere oblectabatur. Et « adiecebat « certus sis, frater, te per has preces « facilius gratias omnes impetraturum, et magnum « ab eadem Beatissima Vergine in hora exitus tui « auxilium promereri. »

PIUS PAPA IX, fel. rec. per Breve diei 26 junii 1860 concessit omnibus et singulis utriusque sexus Cristifidelibus quotidie has preces quocumque idiomate, corde saltem contrito, devote recitantibus, indulgentiam trecentorum dierum, et plenariam, si eas quotidie integro mense devote recitaverint, dummodo (uno dieti mensis die uniuscujusque Christifidelis arbitrio sibi eligendo) vere poenitentes et confessi, ac S. Comunione refecti aliquam Ecclesiam vel aliquod Oratorium visitaverint, et ibi pro christianorum principum concordia, haeresum extirpatione, ac S. Matris Ecclesiae exaltatione pias ad Deum preces effuderint: quae indulgentiae applicari etiam possunt animabus in purgatorio degentibus.

PRECATIONES

*IN HONOREM DUODECIM PRIVILEGIORUM BMAE V. MARIAE
A S. ANDREA AVELLINO C. R. EXARATAE*

In nomine Patris et Filii et Spiritus Sancti. Amen.

Ÿ. Deus in adjutorium meum intende.

R. Domine ad adjuvandum me festina.

Gloria Patri. Sicut erat.

1. Te salutamus, purissima ac sanctissima Mater

Jesu, teque humiliter deprecamur per tuam Praedestinationem, qua Mater Dei electa es ab aeterno; per tuam Immaculatam Conceptionem, qua maculae originalis peccati immunis fuisti; per tuam plenissimam animi demissionem, qua te perpetuo ad Dei voluntatem informasti; per tuam denique perfectissimam sanctitatem, qua toto vitae curriculo nunquam mendam ullam admisisti, ut pro nobis apud Deum patrona fias, quo peccatorum nostrorum multitudinem deleat, quae irae divinae causa extitere. Tuque, Pater omnipotens, per istorum privilegiorum merita, dilectissimae Filiae tuae preces exaudi, nobisque clientibus ejus elementer ignosce. Parce Domine, parce populo tuo.

1 Pater, 4 Ave, 1 Gloria.

Ÿ. Per Sanctam Immaculatam Conceptionem tuam, libera nos, Gloriosa Virgo Maria.

2. Te salutamus, purissima ac sanctissima Mater Jesu, teque humiliter deprecamur per tuam sanctissimam Annuntiationem, qua in sinu tuo Verbum Divinum concepisti; per tuum felicissimum Partum, in quo nullum dolorem passa es, per tuam perpetuam Virginitatem, quam Matris foecunditati junxisti; per acerbum denique Martyrium tuum in morte Redemptoris nostri, ut fias conciliatrix, quo pretiosi Sanguinis Filii tui fructum experiamur. Tuque, Dei Fili, per istorum privilegiorum merita dilectissimae Matris tuae preces exaudi, nobisque clientibus ejus elementer ignosce. Parce Domine, parce populo tuo.

1 Pater, 4 Ave, 1 Gloria.

Ÿ. Per Sanctam Immaculatam Conceptionem tuam, libera nos, Gloriosa Virgo Maria.

3. Te salutamus, purissima ac Sanctissima Mater Jesu, teque humiliter deprecamur per Gaudia cordis tui in Resurrectione et Ascensione Jesu Christi; per

tuam in coelum Assumptionem super omnes angelorum choros; per gloriam quam tibi Deus imperitus est, quo omnium sanctorum Regina fieres; per illam denique validissimam Potentiam quidquid placeat impetrandi, ut nobis veram erga Deum caritatem obtineas. Tuque, Sancte Spiritus, per istorum privilegiorum merita dilectissimae Sponsae tuae preces exaudi, nobisque clientibus eius clementer ignosce. Parce Domine, parce populo tuo.

1 Pater, 4 Ave, 1 Gloria.

ŷ. Per Sanctam Immaculatam Conceptionem tuam libera nos, Gloriosa Virgo Maria.

Hic, si placet, recitari possunt Litaniae Lauretanae ad luerandam aliam ind. 300 dierum (Decret. Pii VII, 30 sept. 1814), et postea dicatur:

Ant. Conceptio tua, Dei Genitrix Virgo, gaudium annuntiavit universo mundo; ex Te enim ortus est Sol iustitiae Christus Deus noster, qui solvens maledictionem dedit benedictionem, et confundens mortem donavit nobis vitam sempiternam.

ŷ. In Conceptione tua, Virgo Maria, Immaculata fuisti.

ŕ. Ora pro nobis Patrem, cujus Filium Jesum de Spiritu Sancto conceptum peperisti. (1)

Oremus. Deus misericordiae, Deus pietatis, Deus indulgentiae, qui misertus es super afflictionem populi tui, et dixisti angelo percutienti populum tuum: « *contine manum tuam* », ob amorem illius Matris Gloriosae, cujus ubera pretiosa, contra venena nostrorum delictorum, dulciter suxisti; praesta auxilium gratiae tuae, ut ab omni malo secure liberemur, et a totius perditionis incursu misericorditer salvemur. Qui vivis et regnas in saecula saeculorum. Amen.

(1), Indulg. 100 dier. Pius VI Rescr. 21 Nov. 1793

PRECATIONES BREVIORES.

Preces, quae sequuntur, licet breviores, Pius PP. IX per Breve diei 22 Junii 1855 iisdem Indulgentiis ditavit, nempe:

I. Indulgentia 300 dierum pro unaquaque vice.

II. Indulg. plenaria semel in mense. Sub iisdem conditionibus.

In nomine Patris et Filii et Spiritus Sancti. Amen.

ŷ. Deus in adjutorium meum intende.

ŕ. Domine ad adjuvandum me festina.

Gloria Patri. Sicut erat.

1. Benedicta sit Sancta et Immaculata Conceptio Beatae Virginis Mariae Matris Dei.

1 Pater, 4 Ave, 1 Gloria.

2. Benedicta sit Sancta et Immaculata Conceptio Beatae Virginis Mariae Matris Dei.

1 Pater, 4 Ave, 1 Gloria.

3. Benedicta sit Sancta et Immaculata Conceptio Beatae Virginis Mariae Matris Dei.

1 Pater, 4 Ave, 1 Gloria.

INDULGENTIAE CORONULIS ADNEXAE

Vigore literarum in forma Brevis SS. D. N. Leonis PP. XIII die 9 Aprilis 1894, utentes parvis coronulis, quae de Conceptione nuncupantur, Indulgentias lucrifaciunt supradictis precationibus brevioribus adnexas quin adjicere opus sit ullam precum recitationem, sed tantum sufficit recitare duodecies salutationem angelicam cum tribus: *Pater et Gloria.*

CATALOGUS sacrarum indulgentiarum, quibus fruuntur Cristifideles parvum coeruleum Scapulare in honorem Immaculatae Conceptionis B. Mariae Virginis, a Clericis Regularibus Congregationis Theatinae, vel ab aliis sacerdotibus facultatem habentibus benedictum gestantes, quas fel. rec. GREGORIUS PAPA XVI decreto S. Congregationis, Indulgentiis sacrisque Reliquiis praepositae, die 12 Julii 1845 probavit et confirmavit; quasque PIUS PAPA IX s. m. die septima Junii 1850, etiam animabus in purgatorio existentibus suffragari posse declaravit,

INDULGENTIAE PLENARIAE

Die qua quis sacro induitur Scapulari.

Si adscriptus ordinetur sacerdos, cum primam Missam celebret.

In articulo mortis.

Cum spiritualia exercitia peraguntur, *semel in anno*.

Prima cujuslibet mensis dominica die.

Singulis sabbatis quadragesimae.

Dominica die et feria sexta hebdomadae passionis.

Feria quarta, quinta et sexta hebdomadae majoris.

Solemnitatibus Nativitatis, Epiphaniae, Paschatis,

Ascensionis Domini Nostri Jesu Christi, Pentecostes et SS. mae Trinitatis.

Festis Conceptionis Immaculatae, Nativitatis, Purificationis, Annuntiationis et Assumptionis Beatae Mariae Virginis.

Die. 19 Martii. Transitus S. Josephi Sponsi B. Mariae Virginis.

Die. 24 Martii. Celebratur festum B. Josephi Mariae Card. Thomasii Conf. Clerici Regularis.

Die 3 Maji. Inventionis S. Crucis D. N. J. C.

Die. 17 Junii. Celebratur Festum B. Pauli Buralis Ep. Card. de Aretio Conf. Clerici Regularis.

Die. 24 Junii. Nativitatis S. Joannis Baptistae.

Die. 29 Junii. SS. Apostolorum Petri et Pauli.

Ultima die dominica mensis Julii.

Die. 2 Augusti. B. Virg. Mariae Angelorum vulgo *della porziuncula*.

Die. 7 Augusti. S. Cajetani Thienaei C. Clericatus Regularis Patriarchae.

Die. 28 Aug. S. Augustini E. et D.

Die. 14 Septembris. Exaltationis S. Crucis, qua die Congregatio Clericorum Regularium initium sumpsit. (anno 1524)

Die 29 Sept. S. Michaelis Arcangeli

Die 2 Oct. SS. Angelorum Custodum.

Die. 15 Oct. S. Theresiae Virginis.

Die. 1 Nov. Omnium Sanctorum.

Die. 10 Nov. S. Andreae Avellini Confessoris Clerici Regularis.

Die. 14 Dec. Celebratur festum B. Joannis Marinonii Conf. Clerici Regularis.

Prima et ultima die novendialium Nativitatis D. N. J. C.

In expositione SS. Sacramenti per horas quadraginta *semel in anno*

Quotidiana *semel in anno* acquirenda

Semel in anno, die a P. Praeposito Generali Clericorum Regularium statuenda (1)

(1) Statuitur a P. Praeposito Generali dies 12 Aprilis Anniversaria Canonizationis S. Cajetani.

Indulgentiae Stationum Ecclesiarum Urbis, ut videre est in Missali romano, dummodo quis adeat Ecclesiam Clericorum Regularium Congregationis Theatinae, ibique oret (1)

Indulgentiae septem Basilicarum Urbis *bis in mense* dummodo oretur ante septem Altaria in dicta Ecclesia Clericorum Regularium. (1)

Indulgentiae, quae lucrifaciunt qui visitant S. Sepulcrum et Terram Sanctam Palaestinae *bis in mense* orantes in eadem Ecclesia (1)

Insuper si quis recitet *sex Pater Ave et Gloria* in honorem SS. mae Trinitatis et B. Mariae Virginis sine labe conceptae, orans, ut dignetur Deus sanctam Ecclesiam catholicam triumphis quotidie augere, haereseos extinguere, pacem et concordiam inter christianos principes fovere, universas sibi comparat indulgentias septem Urbis Basilicarum, Portiunculae, Jerusalem, et Sancti Jacobi Compostellae.

Praeterea S. Congregatio Indulgentiarum sacrisque reliquiis praeposita in Comitibus Generalibus, habitis die 31 Martii 1856, decreto suo declaravit, supradictas indulgentias septem Urbis Basilicarum, Portiunculae, Jerusalem et S. Jacobi Compostellae toties quoties acquiri posse, et quocumque loco preces fundantur, servato decreto Sacrae Congregationis Indulgentiarum die 7 Martii 1678 approbato ab Innocentio XI, quod incipit « *Delatae saepius* » (2); neque oportere alias

(1) Vide pag. 39 v. *Denique*.

(2) Iuxta memoratum Decretum Indulgentia Plenaria pro vivis concessa in diem certum, ab Ecclesiam locumve visitantibus non acquiritur nisi semel in die.

preces addere, ac sacramentorum poenitentiae et eucharistiae susceptionem praemittere, et sufficere *sex* tantum *Pater, Ave et Gloria* recitare uti supra, easque applicabiles etiam esse animabus in purgatorio degentibus. Quod quidem decretum PIUS PAPA IX s. m. die 14 Aprilis ejusdem anni 1856 benigne approbavit.

LX ANNORUM. Quando quis horae dimidio animam sacris meditationibus exercet.

XX ANNORUM. Quando quis infirmos invisit, et eos corporaliter vel spiritualiter aliquo modo coadiuvet; aut, si impediatur, pro eis recitet 5 *Pater, Ave et Gloria*.

» In octavis festorum Domini.

» In festis Sanctorum ex Ordinibus Regularibus Eremitarum S. Augustini, Praedicatorum, Carmelitarum, SS. mae Trinitatis, Redemptionis captivorum, et Servorum B. Mariae Virginis.

VII ANNORUM ET TOTIDEM QUADRAGENARUM. In ceteris festis minoribus B. Mariae Virginis.

» Quoties ad poenitentiae et eucharistiae Sacramenta accedatur.

» Quando quis SS. Sacramentum, quod ad infirmos defertur comitetur.

» Si 7 *Pater, Ave, et Gloria* pro infirmo, qui sacramentum recepit eucharistiam, recitentur.

» Singulis anni festis, in quibus plenaria indulgentia conceditur, dummodo Ecclesia Clericorum Regularium Congregationis Theatinae visitetur, quin opus sit ut poenitentiae et Eucharistiae sacramenta suscipiantur. (vide infr. v. *Denique*).

» Qualibet die ad vespas si *Salve Regina* recitetur, ac pro Ecclesiae necessitatibus preces fundantur.

- » A dominica die septuagesimae ad diem dominicam palmarum *semel in die*, dummodo sacra eucharistia sumatur, et 7 *Pater, Ave*, et *Gloria* pro Ecclesiae necessitatibus dicantur.
- » Festis Inventionis et Exaltationis S. Crucis, si qua eleemosyna impendatur.
- » Tribus feriis sextis cujusque mensis, si ad sacram synaxim accedatur.
- » Septem diebus novendialium Nativitatis D. N. J. C.
- » Qualibet feria secunda visitando Sanctissimum eucharistiae Sacramentum.

V ANNORUM ET TODIDEM QUADRAGENARUM. Qualibat die, qui visitat Ecclesiam Clericorum Regularium Theatinorum, atque etiam aliam Ecclesiam, recitans 5 *Pater, Ave* et *Gloria*.

DIERUM. Qualibet die Octavae Pentecostes, 300.

- » Si Dei verbum audiatur, 200.
- » Si quid pietatis opus peragatur, 60.
- » Si sacra Jesu et Mariae nomina devote invocentur, 50.
- » Si *Pater, Ave* et *Gloria* recitetur pro vivis et defunctis in quacumque Ecclesia, 50.

Insuper quoties Missae sacrificium pro aliquo defuncto celebratur, qui sacrum rite benedictum gestaverit scapulare coeruleum, altare, in quo illud Deo offertur, tamquam *privilegiatum* habetur.

Denique E. R. PIUS PAPA IX, sub die 3 Decembris 1847, praedictum scapulare gestantibus concessit pariter, ut iis in locis, in quibus deest Ecclesia Clericorum Regularium, quam ad lucrandas quasdam ex supradictis indulgentiis adire, ibique orare deberent, aliam Ecclesiam, in qua tamen aliquod adsit altare B. Mariae Virginis, substituere valeant.

Sacra Congregatio Indulgentiis Sacrisque Reliquiis praeposita praesens Summarium uti authenticum recognovit typisque imprimi ac publicari posse permisit. In quorum fidem etc.

Datum Romae ex Secretaria eiusdem Sacrae Congregationis die 26 Augusti 1882.

FRANCISCO DELLA VOLPE SECRETARIUS

RERUM INDEX

Diploma	Pag. 3
Monitum pro duabus cappellaniis erigendis »	6
Ritus benedicendi et imponendi Scapulare »	7
Formula ad Indulgentiam plen. in art. mortis »	9
Schedula pro Jejuniis perpetuo »	10
Brevis historia S. Scapularis »	11
Omnia indulgentiarum plenariarum quae in adnexo catalogo continentur absoluta demonstratio »	16
Nonnulla memoratu digna pro Episcopis et adscriptionibus in confraternitate . . . »	22
Formula inscriptionis in sodalitate . . . »	24
Documenta quae ad confraternitatem referuntur »	25
Precationes a S. Andrea Avellino exaratae »	30
Precationes breviores »	33
Indulgentiae coronulis adnexae. »	33
Indulgentiarum catalogus »	34

DIRECCIÓN GENERAL DE BIBLIOTECAS



UAN

IDAD AUTÓNOMA DE NUEVO

CCIÓN GENERAL DE BIBLIOTECAS

25